

Ysgolion yr 21ain Ganrif Dogfen Grynhoi 2023

DARPARIAETH ARBENIGOL I DDYSGWYR CYNRADD AC
UWCHRADD AG ANGHENION IECHYD A LLES EMOSIYNOL

20 TACHWEDD 2023 – 19 IONAWR 2024



Gellir darparu'r ddogfen hon mewn Braille.
Mae fersiwn lawn o'r ddogfen ymgynghori ar gael yn www.caerdydd.gov.uk/cynigionADY
Gellir darparu gwybodaeth mewn ieithoedd cymunedol eraill hefyd os oes angen.
Cysylltwch â ni ar **029 2087 2720** i drefnu hyn



CYFLWYNIAD

Beth yw pwrpas y llyfryn hwn?

Mae'r Cyngor am wneud newidiadau i'r ddarpariaeth ar gyfer dysgwyr oed cynradd ac uwchradd sydd ag anghenion echedd a lles emosiynol.

Rydym yn cynnig cynyddu nifer y lleoedd mewn canolfannau adnoddau arbenigol ar gyfer dysgwyr cynradd ac uwchradd sydd ag anghenion iechyd a lles emosiynol mewn ystod o ysgolion ledled Caerdydd.

Rydym am i bawb ddeall yr hyn sy'n cael ei gynnig, fel y gallwch ddweud eich barn wrthym am y newidiadau.

Mae'r llyfryn hwn yn fersiwn gryno o'r ddogfen ymgynghori ar y newidiadau hyn. Gallwch ddod o hyd i'r ddogfen ymgynghori yn www.caerdydd.gov.uk/cynigionysgolADY

Beth rydyn ni'n cynnig ei wneud?

Er mwyn ateb y galw cynyddol am ddarpariaeth arbenigol i ddysgwyr ag anghenion iechyd a lles emosiynol, cynigir:

- sefydlu canolfan adnoddau arbenigol 8 lle ar gyfer iechyd a lles emosiynol yn Ysgol Gynradd Baden Powell o fis Medi 2024, yn yr adeiladau presennol.
- sefydlu canolfan adnoddau arbenigol 8 lle ar gyfer iechyd a lles emosiynol yn Ysgol Gynradd y Tyllgoed o fis Medi 2024, yn yr adeiladau presennol. Byddai hyn yn disodli'r dosbarth lles presennol.
- sefydlu canolfan adnoddau arbenigol 16 lle ar gyfer iechyd a lles emosiynol yn Ysgol Gynradd Herbert Thompson o fis Medi 2024, yn yr adeiladau presennol.
- sefydlu canolfan adnoddau arbenigol 16 lle ar gyfer iechyd a lles emosiynol yn Ysgol Gynradd Lakeside o fis Medi 2024, yn yr adeiladau presennol. Byddai hyn yn disodli'r dosbarth lles presennol.
- Sefydlu canolfan adnoddau arbenigol 8 lle ar gyfer iechyd a lles emosiynol yn Ysgol Gynradd Springwood o fis Medi 2024, yn yr adeiladau presennol. Byddai hyn yn disodli'r dosbarth lles presennol.
- sefydlu canolfan adnoddau arbenigol 8 lle ar gyfer iechyd a lles emosiynol yn Ysgol Gymraeg Pwll Coch o fis Medi 2024 yn yr adeiladau presennol. Byddai hyn yn disodli'r dosbarth lles presennol.
- sefydlu canolfan adnoddau arbenigol 20 lle ar gyfer dysgwyr ag anghenion iechyd a lles emosiynol yn Ysgol Gyfun Gymraeg Plasmawr o fis Medi 2024, yn yr adeiladau presennol.

Noder fod y gwaith o ddatblygu'r cynigion hyn ar y camau cychwynnol. Byddai unrhyw newid i osodiad neu ddyluniad manwl o safle'r ysgolion, os oedd eu hangen, yn cael eu hystyried yn ddiweddarach. Pe byddai angen newidiadau o'r fath, byddai cyfleoedd i roi sylwadau ar gynlluniau manwl adeg y camau cyn cynllunio a'r cais cynllunio, pe bai'r cynnigion yn cael eu datblygu.

Rydym hefyd yn ymgynghori ar gynigion ar wahân i gynyddu'r ddarpariaeth ar gyfer dysgwyr cynradd sydd ag anghenion dysgu cymhleth a/neu awtistiaeth mewn ystod o ysgolion ledled Caerdydd.

Gallwch ddod o hyd i fanylion y cynigion hyn yn: www.caerdydd.gov.uk/cynigionysgolADY

Ble gallaf gael rhagor o wybodaeth?

Ceir manylion llawn yn y Ddogfen Ymgynghori ar wefan y Cyngor yn www.caerdydd.gov.uk/cynigionysgolADY

Os na allwch gael mynediad i'r dogfennau ar-lein, bydd copiâu print ar gael drwy'r post ar gais. Gallwch ofyn am gopi drwy e-bost ymatebionysgolion@caerdydd.gov.uk neu drwy ffonio **029 2087 2720**.

Rydym wedi trefnu cyfarfodydd wyneb yn wyneb ac ar-lein a sesiynau galw heibio y gallwch fynd iddynt os hoffech i ni esbonio'r newidiadau arfaethedig i chi. Gallwch hefyd ofyn cwestiynau. Os hoffech fynd i gyfarfod ar-lein/sesiwn galw heibio, cysylltwch â ni drwy e-bostio ymatebionysgolion@caerdydd.gov.uk gan nodi'r cyfarfod/sesiwn galw heibio yr hoffech fynd iddo. Byddwn wedyn yn darparu dolen a chyfarwyddiadau ar gyfer mynychu'r cyfarfod/sesiwn galw heibio.

Cyfarfodydd Cyhoeddus (yn bersonol / ar-lein)

Byddwn yn cynnal cyfarfodydd cyhoeddus i unrhyw un fynychu lle bydd y newidiadau yr ydym yn eu cynnig yn cael eu hesbonio. Bydd cyflwyniad yn nodi manylion y newidiadau arfaethedig a chewch gyfle i ofyn cwestiynau fel rhan o'r cyfarfodydd hyn. Mae dyddiad, amser a lleoliad y cyfarfod cyhoeddus i fynd iddo'n bersonol yn y tabl isod.

Rydym yn cynnig cyfarfod ar-lein trwy Microsoft Teams. Bydd hyn yn debyg i'r cyfarfod cyhoeddus personol gyda chyflwyniad yn nodi manylion y newidiadau arfaethedig a chyfle i ofyn cwestiynau. Os hoffech fynychu'r cyfarfod cyhoeddus mewn person/ar-lein, bydd angen i chi archebu hwnnw ymlaen llaw. Cysylltwch â ni drwy e-bost ymatebionysgolion@caerdydd.gov.uk ac fe rown fanylion /dolen a chyfarwyddiadau i chi ar sut y gallwch fynychu.

Rydym yn cynnig cyfarfod ar-lein trwy Microsoft Teams. Bydd hyn yn debyg i'r

Sesiynau galw heibio (yn bersonol / ar-lein)

Byddwn hefyd yn cynnal sesiynau galw heibio wyneb yn wyneb ar yr amseroedd / lleoliadau a nodir yn y tabl isod. Mae'r sesiynau galw heibio yn gyfle i unrhyw un fynychu ac maent yn gyfle i siarad â swyddogion am y cynigion a gofyn unrhyw gwestiynau sydd gennych. Nid oes angen archebu lle ar gyfer sesiwn galw heibio, dim ond mynychu'r lleoliad ar ryw adeg yn ystod yr amser pan fydd swyddogion ar gael.

Rydym yn cynnig sesiynau galw heibio ar-lein trwy Microsoft Teams. Mae'r rhain yn debyg i'r sesiynau galw heibio wyneb yn wyneb gan eu bod yn gyfle anffurfiol i siarad â swyddogion am y cynigion a gofyn unrhyw gwestiynau sydd gennych. Byddai gofyn archebu slotiau ar gyfer y sesiynau galw heibio ar-lein ymlaen llaw. Os hoffech fynychu sesiwn ar-lein, cysylltwch â ni trwy e-bost: ymatebionysgolion@caerdydd.gov.uk gan gadarnhau pa sesiwn yr hoffech ei mynychu ac fe anfonwn ddolen atoch a chyfarwyddiadau ar sut y gallwch gael mynediad i'r cyfarfod.

Bydd swyddogion y Cyngor yn cyfarfod â chyrrff llywodraethu a staff yr ysgolion dan sylw.

Gallwch hefyd ysgrifennu at y Cyngor i roi eich barn.

Mae dyddiadau'r cyfarfod ymgynghori cyhoeddus a'r sesiynau galw heibio wedi eu nodi isod:

Tabl 2: Dyddiadau'r Cyfarfodydd Ymgynghori (Dyddiadau i'w cytuno)

Ymgynghoriad	Dyddiad ac Amser	Lleoliad
Sesiwn galw i mewn	Dydd Mercher 29 Tachwedd 2023 9am – 11am	Hyb Treali a Chaerau
Sesiwn galw i mewn	Dydd Mawrth 05 Rhagfyr 2023 9am – 11am	Hyb Powerhouse Llanedern
Sesiwn galw i mewn	Dydd Llun 08 Ionawr 2024 2pm – 4pm	Hyb Partneriaeth Tredelerch
Sesiwn galw I mewn ar-lein	Dydd Mawrth 12 Rhagfyr 2023 10am – 12 hanner dydd	Microsoft Teams
Sesiwn galw I mewn ar-lein	Dydd Gwener 12 Ionawr 2024 2pm – 4pm	Microsoft Teams
Cyfarfod cyhoeddus	Dydd Iau 11 Ionawr 2024 5pm – 7pm	Hyb y Llyfrgell Ganolog (Yr Aes)
Cyfarfod cyhoeddus ar-lein (yn Gymraeg)	Dydd Llun 15 Ionawr 2024 5:30pm – 7pm	Microsoft Teams
Cyfarfod cyhoeddus ar-lein (yn Saesneg)	Dydd Mawrth 16 Ionawr 2024 5:30pm – 7pm	Microsoft Teams

Sut gallaf roi fy marn?

- Gallwch fynychu un o'r cyfarfodydd neu sesiynau galw heibio uchod.
- Gallwch lenwi'r ffurflen ymateb ar-lein yn www.caerdydd.gov.uk/cynigionysgolADY Mae'r ffurflen ymgynghori ar gael yn Gymraeg, Saesneg ac amrywiaeth o ieithoedd cymunedol ar ein gwefan.
- Gallwch lenwi'r ffurflen ymateb i'r ymgynghoriad, sydd i'w chael ar dudalen 12 y llyfryn hwn. Ar ôl ei llenwi, gallwch sganio'r ffurflen a'i hanfon atom i ymatebionysgolion@caerdydd.gov.uk Os nad oes gennych fodd i ddefnyddio sganiwr, gallwch ymweld â'ch hyb lleol a gofyn iddynt sganio'r ffurflen a'i hanfon atom ar eich rhan.
- Gallwch gysylltu â'r tîm Cynllunio Trefniadaeth Ysgolion drwy e-bostio ymatebionysgolion@caerdydd.gov.uk, dros y ffôn ar (029) 2087 2720 neu drwy'r post i Ystafell 463, Neuadd y Sir, Caerdydd, CF10 4UW. Gall hyn gynnwys gofyn i swyddog ffonio'n ôl os oes gennych gwestiwn penodol y teimlwrch yr hoffech gael rhagor o wybodaeth amdano.

Y dyddiad cau ar gyfer cyflwyno ymatebion i'r ymgynghoriad hwn yw 19 Ionawr 2024.

Pam rydyn ni'n cynnig y newidiadau hyn?

Lleoedd Ysgol

Rhaid i bob cyngor yng Nghymru gynnig digon o leoedd ysgol i ddisgyblion o bob oed. Rhaid i lefydd ysgol ateb anghenion yr holl ddisgyblion a rhaid iddynt fod yn addas ar gyfer unrhyw anghenion dysgu ychwanegol.

Digonolrwydd yn y Sector Arbennig

Mae'r rhan fwyaf o ddysgwyr ag Anghenion Dysgu Ychwanegol (ADY) yn mynychu ysgol brif ffrwd leol ac yn cael cymorth ychwanegol yno. Mae dysgwyr sydd ag anghenion mwy difrifol neu gymhleth yn mynychu ysgol arbennig neu ganolfan adnoddau arbenigol. Mae nifer y disgyblion sydd angen lle mewn ysgol arbennig neu ganolfan adnoddau arbenigol wedi parhau i dyfu.

Dosbarth bychan mewn ysgol prif ffrwd yw canolfan adnoddau arbenigol sy'n cael ei addysgu gan staff arbenigol. Mae'n galluogi dysgwyr ag anawsterau dysgu i lwyddo mewn amgylchedd ysgol prif ffrwd.

Mae disgyblion yn elwa ar gwricwlwm arbenigol ac ar yr ystod lawn o gyfleoedd addysg sydd ar gael i bob disgybl yn yr ysgol.

Ar hyn o bryd, mae ysgolion cynradd ac uwchradd yng Nghaerdydd yn cynnal canolfannau adnoddau arbenigol. Mae'r canolfannau adnoddau arbenigol a ddynodwyd ar gyfer anghenion dysgu cymhleth a/neu awtistiaeth mewn ysgolion cynradd yn darparu dau ddsbarth o hyd at 10 disgybl; dosbarth yn y Cyfnod Sylfaen i blant 4-7 oed a dosbarth yng Nghyfnod Allweddol 2 i blant 7-11 oed.

Mae nifer y plant a'r bobl ifanc sydd angen lleoliad arbenigol o ganlyniad i'w hanableddau dysgu wedi bod yn cynyddu yng Nghaerdydd dros y 5 mlynedd diwethaf, a chymerwyd camau ers 2018 i gynyddu nifer y lleoedd arbenigol sydd ar gael.

Byddai trosi'r dosbarthiadau lles presennol i statws canolfan adnoddau arbenigol, yn dod â'r model yn unol â'r dosbarthiadau newydd a gynigir yn Ysgol Gynradd Baden Powell ac Ysgol Gynradd Herbert Thompson. Byddai pob canolfan adnoddau arbenigol lles yn parhau i ddarparu lleoedd ymyrraeth gynnar cyfyngedig o ran amser, gyda chyfnod y lleoliad yn amrywio yn unol ag anghenion a chynnydd y plentyn.

Ni fyddai newid i'r dosbarth lles yn Ysgol Uwchradd Fitzalan.

Galw am leoedd

Ar hyn o bryd mae Caerdydd yn cynnal 90 o leoedd ar gyfer dysgwyr oed cynradd, a 284 o leoedd ar gyfer dysgwyr oed uwchradd sydd ag anghenion iechyd a lles emosiynol.

Er bod nifer o leoliadau arbenigol ledled Caerdydd ar hyn o bryd, nid oes digon o leoedd ar gael. Rhagwelir y bydd nifer y plant a fyddai'n elwa o le yn cynyddu dros y blynyddoedd nesaf.

Gan nad oes digon o leoedd ysgol arbennig yng Nghaerdydd, mae'r Cyngor hefyd wedi ariannu rhai lleoedd mewn ysgolion arbennig mewn ardaloedd cynghorau eraill neu mewn ysgolion annibynnol. Mae cost y lleoliadau hyn wedi cynyddu i ddiwallu'r diffyg darpariaeth yn y sir ac i sicrhau bod anghenion dysgwyr yn cael eu diwallu'n llawn.


Cyfanswm y gwariant ar y lleoedd hyn oedd £8.9m yn 2022/23. Mae'r gyllideb ar gyfer 2023/24 ar gyfer y mathau hyn o leoedd wedi'i phennu ar hyn o bryd ar £10.3m.

Yn gyffredinol, byddai ehangu darpariaeth o fewn y Sir yn cynnig defnydd mwy effeithlon ac effeithiol o adnoddau ariannol y Cyngor na dibynnu ar leoedd mewn ysgolion annibynnol.

Dosbarthiad daearyddol darpariaeth arbenigol

Gall diffyg canolfannau adnoddau arbenigol mewn rhai ardaloedd roi dysgwyr sy'n byw yn yr ardaloedd hynny dan anfantais. Mae rhai teuluoedd yn anghyfarwydd â'r ardaloedd lle mae'r ddarpariaeth wedi'i lleoli. Mae'n bosibl na all rhieni neu ofalwyr deithio'n hawdd i'r ardaloedd hynny.

Er bod trafndiaeth am ddim o'r cartref i'r ysgol ar gael i blant o'r fath, mae anfon plentyn ifanc i'r ysgol mewn ardal anghyfarwydd yn benderfyniad anodd i rieni/gofalwyr. Byddai dosbarthiad gwell o ganolfannau adnoddau arbenigol ar draws y ddinas yn gwella mynediad i ddisgyblion. Byddai'n lleihau amseroedd teithio i lawer o ddisgyblion, yn ogystal â chynyddu nifer y lleoedd sydd ar gael.



Cynnig am leoedd Ychwanegol yn y Ganolfan Adnoddau Arbenigol yn Ysgol Gynradd Baden Powell

Mae Ysgol Gynradd Baden Powell yn ysgol gynradd gymunedol Saesneg gyda darpariaeth feithrin wedi'i lleoli yn Heol Muirton, Tremorfa, Caerdydd, CF11 9DZ.

Mae'r ysgol yn derbyn hyd at 60 o ddisgyblion fesul grŵp blwyddyn ac mae ganddi 48 o leoedd meithrin.

Er mwyn ateb y galw am ddarpariaeth arbenigol cynradd, mae'r Cyngor yn cynnig:

- sefydlu canolfan adnoddau arbenigol 8 lle ar gyfer iechyd a lles emosiynol yn Ysgol Gynradd Baden Powell o fis Medi 2024, yn yr adeiladau presennol.

Cynnig ar gyfer lleoedd Canolfan Adnoddau Arbenigol ychwanegol yn Ysgol Gynradd y Tyllgoed

Ysgol gynradd gymunedol cyfrwng Saesneg yw Ysgol Gynradd y Tyllgoed sydd wedi'i lleoli yn Wellwright Road, Y Tyllgoed, Caerdydd, CF5 3ED.

Mae'r ysgol yn derbyn hyd at 40 o ddisgyblion fesul grŵp blwyddyn.

Mae'r ysgol yn cynnal dosbarth lles ar gyfer disgyblion ag anghenion iechyd a lles emosiynol.

Er mwyn ateb y galw am ddarpariaeth arbenigol cynradd, mae'r Cyngor yn cynnig:

- sefydlu canolfan adnoddau arbenigol 8 lle ar gyfer iechyd a lles emosiynol yn Ysgol Gynradd y Tyllgoed o fis Medi 2024, yn yr adeiladau presennol. Byddai hyn yn disodli'r dosbarth lles presennol.

Cynnig ar gyfer lleoedd Canolfan Adnoddau Arbenigol ychwanegol yn Ysgol Gynradd Herbert Thompson

Mae Ysgol Gynradd Herbert Thompson yn ysgol gynradd gymunedol cyfrwng Saesneg gyda darpariaeth feithrin wedi'i lleoli yn Heol Coed Plymouth, Trelái, Caerdydd, CF5 4XD.

Mae'r ysgol yn derbyn hyd at 60 o ddisgyblion fesul grŵp blwyddyn ac mae ganddi 80 o leoedd meithrin.

Er mwyn ateb y galw am ddarpariaeth arbenigol cynradd, mae'r Cyngor yn cynnig:

- sefydlu canolfan adnoddau arbenigol 16 lle ar gyfer iechyd a lles emosiynol yn Ysgol Gynradd Herbert Thompson o fis Medi 2024, yn yr adeiladau presennol.

Cynnig ar gyfer lleoedd Canolfan Adnoddau Arbenigol ychwanegol yn Ysgol Gynradd Lakeside

Mae Ysgol Gynradd Lakeside yn ysgol gynradd gymunedol Saesneg gyda darpariaeth feithrin wedi'i lleoli yn Ontario Way, Lakeside, Caerdydd, CF11 9DZ.

Mae'r ysgol yn derbyn hyd at 60 o ddisgyblion fesul grŵp blwyddyn ac mae ganddi 80 o leoedd meithrin.

Mae'r ysgol yn cynnal dosbarth lles ar gyfer disgyblion ag anghenion iechyd a lles emosiynol.

Er mwyn ateb y galw am ddarpariaeth arbenigol cynradd, mae'r Cyngor yn cynnig:

- sefydlu canolfan adnoddau arbenigol 16 lle ar gyfer iechyd a lles emosiynol yn Ysgol Gynradd Lakeside o fis Medi 2024, yn yr adeiladau presennol. Byddai hyn yn disodli'r dosbarth lles presennol.

Cynnig ar gyfer lleoedd ychwanegol yn y Ganolfan Adnoddau Arbenigol yn Ysgol Gynradd Springwood

Mae Ysgol Gynradd Springwood yn ysgol gynradd gymunedol Saesneg gyda darpariaeth feithrin wedi'i lleoli yn Pennsylvania, Llanedern, Caerdydd, CF23 9LS.

Mae'r ysgol yn derbyn hyd at 60 o ddisgyblion fesul grŵp blwyddyn ac mae ganddi 48 o leoedd meithrin.

Mae'r ysgol yn cynnal dosbarth lles ar gyfer disgyblion ag anghenion iechyd a lles emosiynol.

Er mwyn ateb y galw am ddarpariaeth arbenigol cynradd, mae'r Cyngor yn cynnig:

- Sefydlu canolfan adnoddau arbenigol 8 lle ar gyfer iechyd a lles emosiynol yn Ysgol Gynradd Springwood o fis Medi 2024, yn yr adeiladau presennol. Byddai hyn yn disodli'r dosbarth lles presennol.

Cynnig ar gyfer lleoedd Canolfan Adnoddau Arbenigol ychwanegol yn Ysgol Gymraeg Pwll Coch

Mae Ysgol Gymraeg Pwll Coch yn ysgol gynradd gymunedol Gymraeg gyda darpariaeth feithrin wedi'i lleoli yn Rhodfa Lawrenny, Lecwydd, Caerdydd, CF11 8BR.

Mae'r ysgol yn derbyn hyd at 60 o ddisgyblion fesul grŵp blwyddyn ac mae ganddi 64 o leoedd meithrin.

Mae'r ysgol yn cynnal dosbarth lles ar gyfer disgyblion ag anghenion iechyd a lles emosiynol.

Er mwyn ateb y galw am ddarpariaeth arbenigol cynradd, mae'r Cyngor yn cynnig:

- sefydlu canolfan adnoddau arbenigol 8 lle ar gyfer iechyd a lles emosiynol yn Ysgol Gymraeg Pwll Coch o fis Medi 2024 yn yr adeiladau presennol. Byddai hyn yn disodli'r dosbarth lles presennol.

Cynnig ar gyfer lleoedd Canolfan Adnoddau Arbenigol ychwanegol yn Ysgol Gyfun Gymraeg Plasmawr

Ysgol uwchradd gymunedol Gymraeg yw Ysgol Gyfun Gymraeg Plasmawr sydd wedi'i lleoli yn Heol Pentrebaen, Y Tyllgoed, Caerdydd, CF5 3PZ.

Mae'r ysgol yn derbyn hyd at 210 o ddisgyblion fesul grŵp blwyddyn a'r chweched dosbarth.

Er mwyn ateb y galw am ddarpariaeth arbenigol uwchradd, mae'r Cyngor yn cynnig:

- sefydlu Canolfan Adnoddau Arbenigol 20 lle ar gyfer dysgwyr ag Anghenion Iechyd a Lles Emosiynol yn Ysgol Gyfun Gymraeg Plasmawr o fis Medi 2024, yn yr adeiladau presennol.

Materion trafndiaeth

Gallai'r canolfan adnoddau arbenigol arfaethedig leihau'r pellter a deithiwyd i'r ysgol i blant sydd angenb lle mewn canolfannau adnoddau arbenigol ac sy'n teithio o le maen nhw'n byw i rannau eraill o'r ddinas ar hyn o bryd.

Mae'r Cyngor yn defnyddio'r maen prawf pellter cerdded cymwys statudol o ddwy filltir i ddisgyblion fod yn gymwys i gael trafndiaeth am ddim o'u cartref i ysgolion cynradd, a'r maen prawf cerdded cymwys

statudol o dair milltir i ddisgyblion fod yn gymwys i gael trafndiaeth am ddim o'u cartref i ysgolion uwchradd, gan gynnwys i ysgolion arbennig ac i gyfleusterau canolfan adnoddau arbenigol. Efallai y bydd rhai dysgwyr sy'n byw o fewn y pellteroedd hyn yn cael trafndiaeth am ddim oherwydd eu hanghenion unigol a materion cymdeithasol.

Mae anghenion unigol disgyblion mewn ysgolion arbennig a chanolfannau adnoddau arbenigol, ynghyd â'r pellteroedd mwy a deithir, yn cyfyngu ar y cyfle i gael cyfraddau teithio llesol uchel o gymharu â disgyblion ysgolion prif ffrwd.

Mae rhai disgyblion yn y garfan Anghenion Dysgu Ychwanegol yn gallu teithio'n annibynnol neu gyda rhiant/gofalwyr. Byddai darparu'r gwelliannau a argymhellir ar gyfer teithio llesol o fudd i'r disgyblion hyn yn ogystal ag unrhyw ddisgyblion prif ffrwd, staff ac ymwelwyr â'r safleoedd.

Gan y byddai uchafswm o 8, 16 neu 20 o blant yn mynychu pob un o'r canolfannau adnoddau arbenigol, rhagwelir y byddai nifer fach o blant yn cyrraedd ar drafnidiaeth o'r cartref ysgol am ddim mewn tacsis a rennir. Bydd angen cyfleusterau priodol ar y Trafnidiaeth i Ddysgwyr yma er mwyn gollwng a chasglu a chaiff hyn ei ystyried fel rhan o'r cynigion.

Gan fod y Cyngor yn ceisio cyflawni dosbarthiad gwell o ddarpariaeth canolfan adnoddau arbenigol ledled y ddinas, disgwylir y byddai'r pellter teithio cyfartalog i ganolfannau adnoddau arbenigol ar gyfer dysgwyr unigol yn lleihau yn y dyfodol.

Ceir rhagor o wybodaeth am faterion trafndiaeth ym mhob ysgol yn y ddogfen ymgynghori yn www.caerdydd.gov.uk/cynigionysgolADY

Ansawdd a Safonau

Mae'r Cyngor yn gweithio'n agos gyda chyrrff llywodraethu ysgolion i sicrhau bod safonau ysgolion yn uchel, bod yr addysgu'n dda a'r arweinyddiaeth a'r llywodraethiant yn gryf.

Mae'r safonau yn y saith ysgol sydd wedi'u cynnwys yn y newidiadau arfaethedig yn dda.

Amlinellir manylion y safonau ym mhob ysgol, fel y nodwyd yn ei hadroddiad Estyn diweddaraf, yn y tabl isod.

Ysgol	Dyddiad yr Arolwg	Safonau	Cynnydd
Ysgol Gynradd Baden Powell	Gorffennaf 2017	Da / Digonol	Dd/b
Ysgol Gynradd y Tyllgoed	Chwefror 2020	Da	Dd/b
Ysgol Gynradd Herbert Thompson	Hydref 2022	Da	Dd/b
Ysgol Gynradd Lakeside	Tachwedd 2014	Da / Digonol	Dd/b
Ysgol Gynradd Springwood	Mawrth 2018	Da / Rhagorol	Dd/b
Ysgol Gymraeg Pwll Coch	Chwefror 2018	Da	Dd/b
Ysgol Gyfun Gymraeg Plasmawr	Ionawr 2023	Da	Dd/b

Ceir rhagor o wybodaeth am ansawdd a safonau ym mhob ysgol yn y ddogfen ymgynghori yn www.caerdydd.gov.uk/cynigionysgolADY

Beth fyddai'r effaith ar gymorth i ddisgyblion?

Byddai'r ysgol yn parhau i gynnig cymorth sy'n briodol i anghenion pob disgybl yn unigol.

Nid oes unrhyw wybodaeth i awgrymu y ceid effaith negyddol ar anghenion unrhyw un o'r grwpiau isod gan y newidiadau arfaethedig:

- disgyblion ag Anghenion Dysgu Ychwanegol
- disgyblion y mae Saesneg yn Iaith Ychwanegol ganddynt
- disgyblion sy'n cael Prydau Ysgol am Ddim
- Disgyblion o Leiafrifoedd Ethnig

Ceir rhagor o wybodaeth am ansawdd a safonau ym mhob ysgol yn y ddogfen ymgynghori yn www.caerdydd.gov.uk/cynigionysgolADY

Sut byddai'r newidiadau'n effeithio ar staff yr ysgolion?

Bydd Gwasanaethau Pobl AD yn gweithio gyda Chyrff Llywodraethu pob ysgol i fynd i'r afael â'r goblygiadau AD sy'n deillio o sefydlu canolfan adnoddau arbenigol yn yr ysgol. Efallai y bydd angen staff ychwanegol.

Lle mae'r Corff Llywodraethu wedi mabwysiadu Polisi Adleoli a Diswyddo i Ysgolion y Cyngor, bydd unrhyw swyddi gwag newydd sy'n codi o ganlyniad i sefydlu'r cganolfan adnoddau arbenigol yn cynnig cyfleoedd i staff ysgol sydd ar y gofrestr adleoli i ysgolion.

Beth yw manteision y newidiadau arfaethedig?

- Byddai'r cynnig yn cynyddu nifer y lleoedd canolfan adnoddau arbenigol ar gyfer dysgwyr oedran cynradd ac uwchradd ag anghenion iechyd a lles emosiynol a byddai'n cyfrannu at ateb y galw a amcanestynnir.
- Byddai'r cyfle i gyflogi staff arbenigol ac i weithio'n agosach gyda gwasanaethau arbenigol yng Nghaerdydd yn gwella addysgu cynhwysol yr ysgolion. Byddai hyn o fudd i bob disgybl yn yr ysgolion.
- Byddai'r cynnig yn golygu y gallai rhai disgyblion sydd angen lle mewn canolfan adnoddau arbenigol iechyd a lles emosiynol gael darpariaeth addas yn nes at adref, ac felly'n teithio bellteroedd byrrach i fanteisio ar ddarpariaeth arbenigol.
- Byddai disgyblion sydd angen lle cyfrwng Cymraeg mewn canolfan adnoddau arbenigol iechyd a lles emosiynol yn gallu cael darpariaeth addas yn nes at adref, ac felly'n teithio bellteroedd byrrach i fanteisio ar ddarpariaeth arbenigol.
- Byddai cydleoli'r ganolfan adnoddau yn Ysgol Gynradd y Tyllgoed gyda'r ddarpariaeth newydd yn Ysgol The Court yn caniatáu i staff rannu arfer gorau, cryfhau perthnasoedd â darpariaeth ysgolion arbennig, caniatáu ar gyfer cyfleoedd dysgu proffesiynol ac ar gyfer gweithio amlasiantaethol.

Anfanteision posibl y newidiadau arfaethedig

- Gall newid fod yn anodd i rai disgyblion ag anghenion dysgu ychwanegol. Efallai y byddai symud i adeilad newydd ar safle newydd yn peri gofid iddynt. Gwyddom y bydd angen cymorth wedi'i gynllunio'n ofalus arnynt i addasu i'r lleoliad newydd. Fodd bynnag, byddai digon o amser a phrosesau hirhoedlog i gynllunio a chefnogi cyfnod pontio o'r fath.
- Gallai fod mwy o dagfeydd traffig o amgylch safleoedd ysgol ar ddechrau a diwedd y diwrnod ysgol. Byddai'r Cyngor yn gweithio gyda chyrrff llywodraethu'r ysgolion i ddatblygu Cynllun Teithio i leihau unrhyw darfu posibl.

Risgiau posibl yn sgil y newidiadau arfaethedig

Pe bai angen unrhyw waith adeiladu, addasu ac adnewyddu, gallai gweithredu'r newid arfaethedig gael ei effeithio oherwydd anawsterau annisgwyl wrth benodi contractwyr priodol, oedi wrth gyflawni prosiectau neu sicrhau cyllid digonol. Fodd bynnag, mae gan y Cyngor brofiad sylweddol o gyflawni ystod o brosiectau adeiladu ysgolion yn llwyddiannus o ganlyniad i ddatblygu rhaglen trefniadaeth ysgolion fawr sy'n tyfu a byddai'r gwersi a ddysgwyd drwy hyn yn cyfyngu ar effaith unrhyw faterion annisgwyl a allai godi. Bydd amrywiaeth o opsiynau'n cael eu datblygu yn seiliedig ar ganlyniad yr ymgynghoriad. Yna cynhelid gwerthusiad ariannol llawn. Bydd hyn yn sicrhau fforddiadwyedd ac yn cyfyngu ar y pwysau cyllidebol ar y Cyngor.

Mae rhagor o wybodaeth am fuddion, anfanteision posibl a risgiau posibl i'w gweld yn y ddogfen ymgynghori yn www.caerdydd.gov.uk/cynigionysgolADY

Beth sy'n digwydd nesaf?

Bydd y Cyngor yn casglu ac yn crynhoi'r adborth a ddaw o'r ymgynghoriad hwn. Yna bydd swyddogion y Cyngor yn adrodd hyn wrth Gabinet y Cyngor. Bydd hyn yn helpu'r aelodau etholedig i ddeall barn rhanddeiliaid a bydd yn rhoi gwybodaeth iddynt i'w helpu i wneud eu penderfyniad.

Os bydd y Cabinet yn penderfynu parhau â'r cynigion, rhaid iddo gyhoeddi dogfen o'r enw 'hysbysiad statudol'. Mae'r hysbysiad statudol yn nodi manylion y cynigion ac yn gofyn i unrhyw un sydd am wrthwynebu wneud hynny. Rhaid i wrthwynebiadau fod yn ysgrifenedig. Rhaid eu hanfon i'r Cyngor o fewn y dyddiadau a nodir ar yr hysbysiad.

Gall y Cabinet benderfynu cymeradwyo neu wrthod y cynnig, neu ei gymeradwyo â rhai newidiadau (addasiadau). Byddai'r Cyngor yn ystyried unrhyw wrthwynebiad a ddaeth i law yn ystod y Cyfnod Gwrthwynebu wrth wneud ei benderfyniad.

Ar ôl i benderfyniad gael ei wneud, byddwn yn rhoi gwybod i bawb y mae'r cynnig yn effeithio arnynt. Caiff y penderfyniad ei gyhoeddi hefyd ar wefan y Cyngor.

Dweud Eich Dweud!

Mae eich barn o bwys. Rhannwch eich barn ar y cynigion gyda ni drwy:

- Lenwi a dychwelyd yr holiadur cysylltiedig i'r cyfeiriad a roddir ar waelod y ffurflen.
- Llenwi'r ffurflen ymateb ar-lein yn www.caerdydd.gov.uk/cynigionysgolADY
- Ysgrifennwch lythyr atom yn y cyfeiriad canlynol: Cynllunio Trefniadaeth Ysgolion, Ystafell 463, Neuadd y Sir, Glanfa'r Iwerydd, Caerdydd, CF10 4UW
- Os byddai'n well gennych, gallwch e-bostio eich sylwadau i: ymatebionysgolion@caerdydd.gov.uk

Y dyddiad cau ar gyfer cyflwyno ymatebion i'r ymgynghoriad hwn yw 19 Ionawr 2024.

Yn affodus ni ellir ystyried unrhyw ymatebion a dderbynnir ar ôl y dyddiad hwn.

A ydych chi'n ymateb fel (ticiwch bob un sy'n berthnasol):

- | | |
|---|--|
| <input type="checkbox"/> Rhiant neu Warcheidwad Presennol* | <input type="checkbox"/> Llywodraethwr* |
| <input type="checkbox"/> Rhiant neu Warcheidwad yn y Dyfodol* | <input type="checkbox"/> Preswylydd Lleol |
| <input type="checkbox"/> Disgybl* | <input type="checkbox"/> Aelod Etholedig |
| <input type="checkbox"/> Aelod o staff* | <input type="checkbox"/> Arall (rhowch fanylion) _____ |

***A fydddech cystal â chadarnhau pa ysgol(ion) rydych yn gysylltiedig â hi/nhw?**

1. A ydych yn cefnogi'r cynlluniau a gyflwynwyd i wella'r ddarpariaeth ar gyfer Plant a Phobl Ifanc ag anghenion dysgu ychwanegol?

- Ydw Nac ydw Ddim yn gwybod


2. Ydych chi'n cefnogi'r cynnig ar gyfer pob un o'r safleoedd ysgol?

Ysgol a'r cynnig yn gryno	Ydw	Nac ydw	Ddim yn gwybod
<p>Ysgol Gynradd Baden Powell</p> <ul style="list-style-type: none"> sefydlu canolfan adnoddau arbenigol 8 lle ar gyfer iechyd a lles emosiynol yn Ysgol Gynradd Baden Powell o fis Medi 2024, yn yr adeiladau presennol. 			
<p>Ysgol Gynradd y Tyllgoed</p> <ul style="list-style-type: none"> sefydlu canolfan adnoddau arbenigol 8 lle ar gyfer iechyd a lles emosiynol yn Ysgol Gynradd y Tyllgoed o fis Medi 2024, yn yr adeiladau presennol. Byddai hyn yn disodli'r dosbarth lles presennol. 			
<p>Ysgol Gynradd Herbert Thompson</p> <ul style="list-style-type: none"> sefydlu canolfan adnoddau arbenigol 16 lle ar gyfer iechyd a lles emosiynol yn Ysgol Gynradd Herbert Thompson o fis Medi 2024, yn yr adeiladau presennol. 			
<p>Ysgol Gynradd Lakeside</p> <ul style="list-style-type: none"> sefydlu canolfan adnoddau arbenigol 16 lle ar gyfer iechyd a lles emosiynol yn Ysgol Gynradd Lakeside o fis Medi 2024, yn yr adeiladau presennol. Byddai hyn yn disodli'r dosbarth lles presennol. 			
<p>Ysgol Gynradd Springwood</p> <ul style="list-style-type: none"> Sefydlu canolfan adnoddau arbenigol 8 lle ar gyfer iechyd a lles emosiynol yn Ysgol Gynradd Springwood o fis Medi 2024, yn yr adeiladau presennol. Byddai hyn yn disodli'r dosbarth lles presennol. 			
<p>Ysgol Gymraeg Pwll Coch</p> <ul style="list-style-type: none"> sefydlu canolfan adnoddau arbenigol 8 lle ar gyfer iechyd a lles emosiynol yn Ysgol Gymraeg Pwll Coch o fis Medi 2024 yn yr adeiladau presennol. Byddai hyn yn disodli'r dosbarth lles presennol. 			
<p>Ysgol Gyfun Gymraeg Plasmawr</p> <ul style="list-style-type: none"> sefydlu Canolfan Adnoddau Arbenigol 20 lle ar gyfer dysgwyr ag anghenion iechyd a lles emosiynol yn Ysgol Gyfun Gymraeg Plasmawr o fis Medi 2024, yn yr adeiladau presennol. 			

3. Os ydych chi neu os nad ydych chi'n cefnogi'r newidiadau a gynigir, eglurwch pam .



4. A hoffech chi awgrymu unrhyw newidiadau neu ddewisiadau amgen?



5. Sylwadau ychwanegol?

Enw _____

Cyfeiriad _____

Cod post _____

Y dyddiad cau ar gyfer cyflwyno ymatebion i'r ymgynghoriad hwn yw 19 Ionawr 2024

Ni fydd y Cyngor yn gallu ystyried unrhyw ymatebion i'r ymgynghoriad a ddaw i law ar ôl y dyddiad hwn.

Ni fydd yr ymatebion i'r ymgynghoriad hwn yn cyfrif fel gwrthwynebiadau i'r cynnig.

Dim ond ar ôl cyhoeddi hysbysiad statudol y gellir cyflwyno gwrthwynebiadau.

Os hoffech gael gwybod pan gyhoeddir adroddiad yr Ymgynghoriad, nodwch eich cyfeiriad e-bost. Os na roddwch gyfeiriad e-bost i ni, ni fydd modd i ni roi'r wybodaeth ddiweddaraf i chi.

Diolch i chi am eich sylwadau.

Dychwelwch y ffurflen hon at y Tîm Cynllunio Trefniadaeth Ysgolion, Ystafell 463, Neuadd y Sir, Caerdydd, CF10 4UW neu drwy e-bost i ymatebionysgolion@caerdydd.gov.uk erbyn 19 Ionawr 2024 ar yr hwyraf .

Caiff y wybodaeth a rowch yn y ffurflen hon ei thrin yn gyfrinachol, yn unol â gofynion Deddf Diogelu Data 2018 a'r Egwyddorion Diogelu Data Cyffredinol.

Caiff unrhyw ddata a roddir gennych ar y ffurflen hon ei brosesu yn unol â gofynion y Ddeddf Diogelu Data ac, wrth ei roi, rydych chi'n caniatáu i'r Cyngor ei brosesu at y diben y'i rhoddwyd. Bydd yr holl wybodaeth bersonol a rowch yn cael ei thrin yn gwbl gyfrinachol a dim ond at ddibenion a ganiateir gan y gyfraith y bydd y Cyngor yn ei defnyddio neu ei datgelu i eraill.

Os hoffech dynnu eich caniatâd yn ôl ar unrhyw adeg e-bostiwch ymgynghoriad@caerdydd.gov.uk

I gael rhagor o wybodaeth am y ffordd rydym yn prosesu eich data personol, cyfeiriwch at ein Polisi Preifatrwydd – neu cysylltwch â'r Swyddog Diogelu Data, Ystafell 357, Neuadd y Sir, Caerdydd, CF10 4UW, e-bost: diogeludata@caerdydd.gov.uk

Canfod mwy yma
www.caerdydd.gov.uk/cynigionysgolionADY

AMDANOCH CHI

Rhowch eich cod post isod i'n galluogi i nodi barn ac anghenion yr ymatebwyr yn fanylach fesul ardal:

Beth oedd eich oed ar eich pen-blwydd diwethaf?

- Dan 16 25-34 45-54 65-74 Mae'n well gennyf beidio â dweud
 16-24 35-44 55-64 75+

A ydych chi'n...

- Benyw Gwryw Arall Mae'n well gennyf beidio â dweud

A ydych chi'n ystyried eich hun yn berson anabl?

- Ydw Nac ydw Mae'n well gennyf beidio â dweud

Ticiwch unrhyw un o'r canlynol sy'n berthnasol i chi:

- Byddar / Wedi Colli Clyw / Trwm Eich Clyw Nam ar y golwg
 Salwch neu gyflwr iechyd hirdymor (e.e. cancer, diabetes neu asthma)
 Anawsterau iechyd meddwl Defnyddiwr cadair olwyn Mae'n well gennyf beidio â dweud
 Nam / anawsterau dysgu Nam symudedd Arall

Rhowch fanylion _____

Beth yw eich grŵp ethnig?

Pan ddefnyddir y term 'Prydeinig', mae hyn yn cyfeirio at unrhyw un o'r pedair cenedl gartref, sef Cymru, Lloegr, Gogledd Iwerddon a'r Alban, neu gyfuniad o'r rhain.

- | | |
|--|--|
| <input type="checkbox"/> Gwyn - Cymreig/Seisnig/Albanaidd/Gogledd Iwerddon/Prydeinig | <input type="checkbox"/> Asiaidd/Asiaidd Cymreig/Prydeinig - Bangladeshaidd |
| <input type="checkbox"/> Gwyn - Gwyddelig | <input type="checkbox"/> Asiaidd/Asiaidd Cymreig/Prydeinig - Indiaidd |
| <input type="checkbox"/> Gwyn - Sipsi neu Deithiwr Gwyddelig | <input type="checkbox"/> Asiaidd/Asiaidd Cymreig/Prydeinig - Unrhyw un arall |
| <input type="checkbox"/> Gwyn - Unrhyw gefndir gwyn arall | <input type="checkbox"/> Du/Affricanaidd/Caribiaidd/Du Cymreig/Prydeinig - Affricanaidd |
| <input type="checkbox"/> Grwpiau Cymysg/Aml-ethnig - Gwyn ac Asiaidd | <input type="checkbox"/> Du/Affricanaidd/Caribiaidd/Du Cymreig/Prydeinig - Caribiaidd |
| <input type="checkbox"/> Grwpiau Cymysg/Aml-ethnig - Gwyn a Du Caribiaidd | <input type="checkbox"/> Du/Affricanaidd/Caribiaidd/Du Cymreig/Prydeinig - Unrhyw un arall |
| <input type="checkbox"/> Grwpiau Cymysg/Aml-ethnig - Gwyn a Du Affricanaidd | <input type="checkbox"/> Arabaidd |
| <input type="checkbox"/> Cymysg/Grwpiau Aml-ethnig - Unrhyw un arall | <input type="checkbox"/> Unrhyw grŵp ethnig arall (rhowch fanylion) _____ |
| <input type="checkbox"/> Asiaidd/Asiaidd Cymreig/Prydeinig - Tsieineaidd | <input type="checkbox"/> Mae'n well gennyf beidio â dweud |
| <input type="checkbox"/> Asiaidd/Asiaidd Cymreig/Prydeinig - Pacistanaidd | |

Caiff y wybodaeth rydych wedi'i rhoi ei phrosesu gan Gyngor Caerdydd yn unol â Deddf Diogelu Data 2018 a'r Rheoliad Cyffredinol ar Ddiogelu Data. Caiff y wybodaeth rydych wedi'i rhoi i ni yn ymwneud â'r ymgynghoriad hwn ei thrin yn gyfrinachol ond gallai gael ei defnyddio gan y Cyngor neu'i datgelu i eraill yn ôl gofynion y gyfraith. Mae angen prosesu'r data personol er mwyn cyflawni tasg benodol er budd y cyhoedd. Gydag unrhyw ymatebion a ddaw i law, bydd modd gwneud cais amdani o dan y Ddeddf Rhyddid Gwybodaeth ac mae'n bosibl y bydd yn rhaid ei gwneud yn gyhoeddus. Wedi dweud hynny, byddai gwybodaeth sy'n cynnwys manylion personol fel enw a chyfeiriad unigolyn yn cael ei thynnu allan.

I gael rhagor o wybodaeth ynghylch sut mae Cyngor Caerdydd yn rheoli gwybodaeth bersonol, darllenwch ein Polisi Preifatrwydd ar wefan y Cyngor.

[Hysbysiad Preifatrwydd \(caerdydd.gov.uk\)](http://www.caerdydd.gov.uk)